

重修永清縣志

朱頤署纂

陸



11.30.253
35.1
11.30.253
34.2

續永清縣志叙

古者記事之史謂之志江淹謂修史之難無出於志一邑之志猶一國之史也而倍難一國之史君世其國卿大夫世其家史世其典籍以事繫日以日繫月以月繫時以時繫年記遠近別同異遵聖人之法而不憂其散亂若夫一邑之志則不然官秩滿則遷令史不諳掌故秉筆之徒則又掠人之長攻人之短斬關竊玉入室操戈二者交譏其文難信且或一世而一舉或再世數世而一舉所見異辭所聞異辭年愈遠說愈淆人待世則不暇世待人則不敢及世及人闕焉則不傳傳而無徵則不久志固若斯之難也同治七年余自行間謁選授永清索邑志而觀之乾隆己亥迄今已閱三世矣其時百廢未舉訟獄繁興日求制治清濁之原蓋不暇給焉八年調雍邱九年重蒞茲土建書院立義學設養濟院修城浚河治具粗舉次第將有事於志竊復自念楚北下士橐筆從戎不盡讀古良吏書而由荆襄達宛洛登秦隴徧游徐揚青兗間最後至於京師所過名山大川又未能增長志氣發爲文章況永清爲畿甸近邑

縮音愷澤必首及之而又中亘渾河滄桑陵谷時有變遷重以九十餘年之闕略名宦政蹟鄉賢事略文人著述忠孝節烈幽光潛德之待闡揚而紀載者不可勝數無才則散無識則亂何敢輕與斯役今續永清縣志

叙

制府肅毅伯中堂李公續修畿輔通志以採訪條款頒所屬余適解尚武篆三至永永人樂余之坦易相安於無事而同事諸君子又皆彬彬博雅材足以匡余之不逮爰進邑人士採輯編次以成此書也然則不任修而僅續者何也曰司馬遷作史記太初以後闕如班彪繼探遺事傍貫異聞作後傳數十篇鄭樵以爲善續也班固襲遷書自高祖至孝武凡六世譏遷是非頗謬於聖人是何異假人之面目變易其衣履又從而反唇相譏焉視斬關竊玉入室操戈者何如也今書垂成而題其籤曰續紀實也且以見修志之難而前志之足傳也是爲叙

同治十三年九月

誥授朝議大夫花翎知府銜永清縣知縣漢陽李秉鈞叙

敘

歲在甲戌十月既望余奉檄來視益昌篆過永定河卽古無定河夾岸村居寥落有父老負曝者詢其疾苦曰地近河干滄桑屢易鴻雁嗷矣幸

上恩澤議賑議蠲民復業者裁半耳接篆後周視城垣有堤環抱植柳數百本僉曰此畢公李公之遺愛也謁

文廟觀陳設圖位造明倫堂讀

欽定臥碑爲諸生宣講

萬言訓觀風益昌書院肄業生誦聲出金石僉曰此邨公之嘉惠也公餘肅學博馮君而問以學校之盛衰人材之多寡進少尉鄭君而諮以疆域之大小訟獄之繁簡召胥徒而詰以戶口之滋生者祠祀兵制釐務之隨時變通者田賦郵政河防之因地制宜者延都人士而訪以流風善政之留存者耆年碩德之同父兄事者忠孝節烈經濟文章隱逸寓公之可爲山川增色者潛德幽光之猶待闡發者余一一誌之不敢忘最後以筐篋束帛見魏孝廉邦翰將聽其言論以證諸人之所言而取信焉君手一編示余曰此邑志也乾隆乙亥周明府震榮所修者文獻莫備於是余受而讀之參以吾之所見聞有不盡同者蓋距前志之修已百年矣魏君受前宰李君聘脩邑志余復以禮假館越六月

續永清縣志

敘

二

而藁脫得一十四卷又文徵二卷題其籤曰續見前志之善也其間僞者正之訛者訂之遺者補之紀臥碑於

皇言尊

聖訓明

聖教也先輿地于職官職官爲

天子守土也繼選舉而表封贈廕襲爲賢父兄佳子弟勸也六書不必盡續而皆存其目者備掌故也名賢戾止故傳流寓土物心臧故志風土網羅散佚而以雜志終焉凡余之所目見而耳聞者據事直書而志於是乎成矣今制府中堂李公續修畿輔通志檄各屬採訪遺事大宗伯萬公大京兆楊公亦時以此勗余余不敏自愧無文且永於畿邑二十四屬爲最瘠而是書獨先成豈惟魏君之功抑同事諸君之力同事謂誰學博馮君少尉洪君邑孝廉劉君嶠苑君楓林武君承文劉君廷梧明經葉君詠棠任君植茂才賈君如城鍾君壽三張君顯武劉君孟培劉君嚙太學生劉君仲篋劉君玉桂也諸君助余之不逮採輯編次以成此書余之幸亦卽李君之所深慰也夫是爲敘

光緒元年四月

欽加同知銜署永清縣陽湖吳欽叙

叙

司馬遷列孔子於世家而記其車服禮器特詳何嚮往之誠哉其所願則學孔子也孔子作春秋司馬氏作史記春秋者其史記之權輿乎自是一朝之史必文學之臣掌之一邑之志必文學之士脩之歲辛未余秉鐸益昌今制府李爵相檄余襄理志事前邑侯李君秉鈞今邑侯吳君欽均以脩志商之余余採訪節孝百餘人恆以言之無文難傳久遠是懼魏孝廉邦翰好學者也兩侯以禮聘主纂修事經年而成書得十六卷授余讀之而不禁矍然興望焉余學官也知有學而已今是書首以明倫堂欽定臥碑列於

皇言而於

文廟聖賢名位器數樂章舞節經

列聖所欽定而前志所簡略者悉爲恭紀書院義學之有裨於庠序者悉爲備載名宦鄉賢忠孝節烈之有關於名教者悉爲闡發其他野廟淫祠諛辭邪說之簞鼓斯人爲吾道敵者去之如蛇龍猛獸悉屏勿錄則信哉其有益於世道人心者爲不少也則甚矣其好學也書旣付梓而魏君將宦遊於閩閩宋儒講學處也自龜山先生載道而南遂爲理學淵藪魏君服官是土文學發爲政事舉其有益於世道

續永清縣志

叙

三

人心者與斯民興教化余固信魏君之能不負所學也故於其書成將去爲之序以示傳信云

光緒元年四月

勅授儒林郎永清縣訓導兼署教諭事柏鄉馮守身叙

光緒元年續修永清縣志在事諸人姓名列後

監修

太子太保文華殿大學士直隸總督一等肅毅伯李鴻章
經筵講官禮部尚書兼管順天府府尹萬青藜
刑部右侍郎提督順天府學政錢寶廉
升任廣東布政使順天府府尹楊慶麟
順天府府尹吳湛誠
順天府府尹張漢卿
花翎道員用候補府順天府治中蕭履中
直隸布政使司布政使孫觀
二品頂戴直隸按察使司按察使范梁
二品頂戴分巡直隸霸昌道穆特布
運同銜署順天府南路捕盜刑錢府李慶雲
安徽合淝縣人
江西德化縣人
浙江嘉善縣人
江蘇吳江縣人
安徽婺源縣人
己酉拔貢人
雲南太和縣人
壬子進士人
河南祥符縣原籍江蘇武進縣人
安徽舒城縣人
丁未進士人
浙江錢塘縣人
庚子進士人
滿洲鑲白旗人
生員
奉天錦縣人
壬戌進士人

續永清縣志

修志姓氏

一

主修

花翎知府銜原任永清縣知縣李秉鈞
湖北漢陽縣人

同知銜署永清縣知縣吳欽
江蘇陽湖縣人

協修

前任永清縣教諭山東即用知縣韓釗
樂亭縣人

光祿寺署正銜永清縣訓導兼署教諭馮守身
柏鄉縣人

纂修

福建候補知縣魏邦翰
浙江嵊縣人

收掌

六品銜候補州吏目署永清縣典史洪恩福
安徽祁門縣人

督梓

六品銜前任永清縣典史鄭福德
奉天昌圖廳人

儘先千總署永清汛把總張文科
天津縣人

編次

候選布政使理問張以彬浙江會稽縣人
候選通判趙鏢浙江山陰縣人

分理志務

前任高邑縣教諭舉人劉翥

舉人苑楓林

候選訓導舉人武承文

副貢生任植

廩生張顯武

六品銜候選從九品庠生賈如城

監生劉仲篋

候選教諭舉人劉廷梧

廩生鍾壽三

歲貢生葉詠棠

候選從九附生劉孟培

續永清縣志

修志姓氏

二

候選從九監生劉玉桂

採訪

舉人徐京

貢生張壽椿

廩生劉嚶

廩生宋正修

廩生張維翰

廩生張麟春

增廩生劉仲培

附廩生陳式芳

六品銜常聯

附廩生劉焜甫

膳錄

附生賈湜固安縣人

修志姓氏

生王	生張維屏	生王子牲	生孫濂	生彭紹棠	生李如璋	生武開第	生韓晉臣	生王鈞	生郭玉璞	生賈芳模	生單聯第	生馮保東	生何樂山
桐邑人	邑人	邑人	邑人	邑人	邑人	邑人	邑人	邑人	天津縣人	南宮縣人	東安縣人	固安縣人	南皮縣人

童馮保民	童吳廷筠	童任桂	童王明德	童夏駿聲	童李文鏞	童王賜恩	童王榮恩	童許成章	童徐亭	童賈化鈞	童賈和鈞	童苑崧山	童李兆蘭
固安縣人	邑人	邑人	邑人	邑人	霸州人	邑人	邑人	邑人	邑人	邑人	邑人	邑人	邑人

文 文 文 文 文

繪圖

李詩

楊秉直

刻工

律古齋陳鯤池

童莫景芳 邑人

童侯冠卿 邑人

童楊紹曾 東安縣人

童陳席珍 邑人

童范獻廷 東安縣人

續永清縣志

修志姓氏

續永清縣志目錄

第一卷

皇言紀

恩澤紀

第二卷

沿革紀

輿地圖

第三卷

建置圖

第四卷

水道圖

第五卷

職官表 補遺附

續永清縣志

目錄

第六卷

選舉表 補遺附

第七卷

封贈表

廕襲表

第八卷

吏書

戶書

第九卷

禮書

兵書

刑書

工書

第十卷

政略續編補遺附

賈慶檀列傳丁卯殉難諸人附

劉源瀨劉源濬劉毓崑列傳

孝友列傳

第十一卷

列女列傳

第十二卷

關訪列傳

流寓列傳

續前志列傳

第十三卷

風土志

雜志

第十四卷

續永清縣志

目錄

續志臚言

續永清縣志卷第一

皇言紀

明倫堂臥碑

禮部題奉

欽依刊立臥碑曉示生員

朝廷建立學校選取生員免其丁糧厚以廩膳設學院學道學官以教之各衙門官以禮相待全要養成賢才以供

朝廷之用諸生皆當上報

國恩下立人品所題教條開列於後

一生員之家父母賢智者子當受教父母愚魯或有非爲者子既讀書明理當再三懇告使父母不陷於危亡

一生員立志當學爲忠臣清官書史所載忠清事蹟互相講究凡利國愛民之事更宜留心

一生員居心忠厚正直讀書方有實用出仕必作良吏若心術邪刻讀書必無成就爲官必取禍患

續永清縣志

皇言紀續編第一

三

行害人之事往往自殺其身當宜思省

一生員不可干求官長交結勢要希圖進身若果心善德全上天知之必加以福

一生員當愛身忍性凡有司官衙門不可輕入卽有切己之事止許家人代告不許干與他人詞訟人不許牽連生員作證

一爲學當尊敬先生若講說皆須誠心聽受如有未明從容再問毋妄行辨難爲師者亦當盡心教訓勿致怠惰

一軍民一切利病不許生員上書陳言如有一言建白以違制論黜革治罪

一生員不許糾黨多人立盟結社把持官府武斷鄉曲作文字不許妄行刊刻違者聽提調官治罪
順治九年二月十六日永清縣教諭臣張國楨敬書



雍正五年三月二十四日禮部

奏會試舉人叨荷

特恩合詞陳謝奉

上諭朕視天下萬民皆爲一體況讀書鄉薦之人異日俱可作朕股肱耳目是以朕心待之實有一體聯屬之意愛養培護卽如自厚其身此皆出於中心之自然並非欲邀天下士子之感頌也今舉子等以會試叨荷特恩合詞陳謝是尙不能深悉朕一體相關之意而存上下彼此之形跡矣朕待天下惟有一誠而崇儒重道之心尤爲篤切但所崇者皆眞儒所重者皆正道若徒尙虛文邀取名譽致貽世道人心之害朕不忍爲也爾等讀書之人實四民之所觀瞻風俗之所維繫果能誦法賢聖躬修實踐宅心正直行己端方則通籍於朝必能爲國家宣猷樹績膺棟梁之選退處鄉閭亦必能教孝勸忠爲衆人之坊表故士習旣端而人心尙有不正風俗尙有不淳者無是理也爾等旣感朕恩卽當仰體朕心恪遵朕訓爭自琢磨或出或處皆端人正士爲國家所倚賴如此方爲實心報効不在感恩奏謝之儀文也欽此

乾隆四十四年十二月十五日永清縣知縣臣周震榮敬書

臣欽謹按士爲四民之首我

續永清縣志

皇言紀續編第一

四

朝開國首重明倫伏讀

欽定臥碑如綸如綍訓詞深厚法戒昭垂非惟入學者所宜遵抑亦志學者所宜曉弁諸簡首咸使周知若夫

訓士文由學布刊

萬言訓朔望宣講漸摩有自無待謹登

恩澤紀續編

高宗純皇帝乾隆五十四年秋禾被水成災五七八九分各莊欽奉

上諭照例蠲免地丁十分之一二三四六分銀二千九百六十兩五錢二釐緩徵銀三千五百五十兩零三錢八分三釐

乾隆五十五年元旦欽奉

恩旨

皇上八旬萬壽普免天下錢糧永清縣糧銀六千三百一十八兩八錢四分一釐

乾隆五十九年八月二十三日欽奉

上諭豁免本年以前錢糧永清縣民欠銀八千七百五十一兩三錢六分三釐

仁宗睿皇帝嘉慶元年正月奉

上諭紀元普免節年糧租

嘉慶六年秋禾被水成災七八九分村莊欽奉

諭旨蠲免十分之一二四共銀四百六十六兩七錢一分八釐一毫

嘉慶十一年秋禾被水成災稍重之泥安等三十八村租銀一千一百二十七兩八錢八分二釐

續永清縣志

恩澤紀續編第一

五

九毫奏明分至十二十三兩年帶徵又被水較輕之北張家莊等二十一村租銀五百六十二兩二錢八分零八毫至十二年帶徵

嘉慶十三年三月十六日欽奉

上諭

皇上巡視河堤各工蠲免嘉慶十一年以前直隸通省錢糧十分之二永清縣銀一千一百五十五兩九錢六分一釐又因秋禾被水成災五六七分村莊奉

旨照例蠲免地丁十分之一二四分銀一千三百八十兩零三分一釐蠲剩民欠銀兩緩至次年秋後分別帶徵銀三千八百五十五兩零四分

嘉慶十四年秋禾被水歉收欽奉

恩旨緩至次年麥後啟徵糧銀三千零五兩三釐

嘉慶十五年因秋禾被水成災七八九分村莊欽奉

諭旨蠲免十分之一二四共銀一千一百八十二兩四錢一分四釐

嘉慶二十一年秋禾被水歉收欽奉

恩旨緩至次年麥後啟徵糧銀一千六十二兩七錢零五釐

嘉慶二十三年四月十四日奉

上諭順屬上年春間被旱秋收歉薄入冬雪澤冀望麥秋豐稔乃三春無雨風日曠燥所有本年上忙錢糧全行蠲免銀三千七百七十五兩零一分下忙緩徵銀三千七百七十五兩一分復奉

上諭

皇上六旬萬壽豁免各直省節年民欠銀兩永清縣銀三萬九百六十九兩八錢五分七釐復奉

上諭蠲免上忙旂租銀二千四百四十四兩三錢六分四釐五毫

嘉慶二十四年永定河下口甄家莊等十二村莊地畝被水災重八月初十日奉旨全行豁免銀三百七十兩零五錢四分八釐北二南四等工漫口被水成災北辛立村等二百四十三村莊賑米一萬二千五百六十九石一斗三升七合五勺撫卹銀一千五百兩復奉

上諭緩至次年秋後啓徵銀二千一百一十兩零九錢一分九釐

宣宗成皇帝道光元年正月奉

上諭紀元普免節年糧租

道光二年秋禾被水二百八十村莊蠲免十分之一二四六銀二千三百八十六兩七錢緩徵銀三千九百九十九兩二錢一分六釐春間永定河北岸三工漫汎溢張野雞莊等三十八村田

續永清縣志

恩澤紀續編第一

六

禾被水欽奉

上諭緩至秋後啟徵租銀四百六十三兩四錢四分四釐五毫南六工漫口被水成災黃家務等二百八十二村莊賑銀一萬三千零六十八兩零二分三釐五毫

道光三年秋禾被水最重二百八十三村莊九月二十二日欽奉

上諭全行豁免糧銀六千三百五十四兩六錢二分八釐

道光六年秋禾被水歉收於本年九月二十八日欽奉

上諭緩至次年秋後啓徵銀四千一百九十四兩七錢一分一釐八毫

道光十一年秋禾被旱歉收九月二十六日欽奉

上諭本年錢糧緩至十二年麥後啓徵銀三千零七十三兩五錢一分復奉

上諭緩至十二年麥後啓徵租銀七千零七十七兩五錢二分四釐租穀八十一石二斗五升

道光十二年秋禾被水成災五六七八分村莊欽奉

上諭蠲免十分之一二四銀四百六十四兩零二釐緩徵銀二千五百三十五兩零七釐成災七八分照例蠲免十分之一三租銀七百二十六兩二錢一分三釐七毫蠲剩應分作二年帶徵銀四千一百一十六兩四錢四分零六毫又成災五六分村莊於閏九月十三日復奉

上諭緩至十三年秋後啟徵租銀一千零七十八兩六錢零二釐五毫租穀八十一石二斗五升

道光十四年秋禾被水成災五六分村莊照例蠲免十分之一銀二百四十兩五錢六釐蠲剩民欠於九月初五日欽奉

諭旨緩至次年秋後啟徵銀

道光十四年北三等工漫口被水成災張野雞莊等五十七村莊賑米八百一十八石五斗九升七合共折銀一千一百四十六兩三錢六分五釐

道光十五年八月初九日奉

上諭恭逢

聖母皇太后六旬萬壽普免道光十年以前至嘉慶二十三年節年錢糧永清縣銀一萬零二百八十兩

一錢二分復奉

上諭豁免道光十年以前民欠八項旗租銀穀查明八項旗租自道光元年至十年共民欠未完租正銀二萬六千一百四十二兩四錢八分二釐耗銀三百四十六兩一錢八分二釐七毫租穀四百四十石零一斗

道光二十三年秋禾被水歉收欽奉

續永清縣志

恩澤紀續編第一

七

上諭緩徵銀七百四十四兩六錢四分九釐又永定河下口減糧地畝被淹後秋收歉薄奉文蠲免一半銀一百八十五兩二錢七分四釐

道光二十四年秋禾被水成災七八九分村莊欽奉

上諭蠲免十分之一二四銀四百二十七兩四錢六分五釐緩徵銀一千三百八十二兩八錢五分

道光二十五年八月初三日奉

旨普免道光二十一年以前至十年止永清縣糧銀四千九百零六兩三錢六分一釐恭逢

聖母皇太后七旬萬壽復奉

諭旨豁免道光二十年以前民欠八項旗租銀穀查明道光十一年至道光二十年八項旗租共民欠未完租正銀並補徵各項共銀二萬一千二百三十二兩五錢零八釐耗銀二百三兩二錢六分四釐租穀六百三十二石九斗二升零二勺

道光三十年秋禾被水成災五分奉

旨蠲免十分之一銀七兩一錢七分九釐緩徵銀一千零三十九兩七錢五分九釐歉緩徵租正銀一千二百四十二兩二錢七分四釐六毫耗銀九兩二錢二分一釐應請照案豁免

文宗顯皇帝咸豐元年正月初一日奉

上諭建元普免道光二十九年以前至二十一年錢糧永清縣三千六百三十二兩三錢三分二釐並奉

諭旨豁免道光三十年緩帶徵旂租並道光二十一年起至二十九年止積欠旂租補徵銀兩查明道光二十一年起至道光二十九年止八項旂租共民欠未完租正銀並補徵共銀一萬八千八百零二兩四錢零三釐五毫耗銀二百十九兩二錢一分八釐租穀五百四十八石四斗六合復因二麥被雹歉收各村莊欽奉

恩旨緩徵錢糧五百六十四兩四錢零二釐

咸豐三年秋禾被水成災五分村莊奉

旨蠲免十分之一銀六十兩零一錢五分六釐緩徵銀一千七百七十四兩二錢一分七釐

咸豐五年秋禾被水歉收奉

上諭緩徵錢糧銀一千四百九十三兩二錢一分七釐

咸豐六年秋禾被水成災五六七八九分村莊奉

旨蠲免十分之一二四六銀六百七十兩零一錢四分五釐緩徵銀一千九百七十三兩八錢一分八釐南七工漫口被水成災冰窖等一百二十七村莊賑米二千八百石

續永清縣志

恩澤紀續編第一

八

咸豐七年秋禾被水成災六七八九分村莊奉

旨蠲免十分之一二四六銀八百五十二兩三錢七釐緩徵銀一千一十七兩四錢五分五釐北四工漫口被水成災紀家莊等五十七村莊撫卹銀九百二十五兩又撫卹銀一千兩

咸豐八年奉準 戶部咨覆民欠未完各項旂租銀各奏請奉

旨準行豁免查明本年各項旂租並補徵兵銀二千一百四十三兩九錢零七釐九毫耗銀十四兩七錢九分二釐租穀六十石五斗

咸豐九年秋禾被水成災六七八分村莊奉

旨蠲免十分之一二四銀四百三十二兩五錢七分二釐緩徵銀二千六百八十二兩六錢六分北三工漫口被水成災眼罩屯等四十五村莊賑米一千四百九十五石二斗七升五合米折銀二千零九十三兩三錢八分五釐

穆宗毅皇帝同治元年正月初六日奉

恩旨建元普免咸豐九年以前至道光三十年止永清縣銀一萬二千二百十二兩五錢七分七釐

同治六年秋禾被旱被雹被擾各村莊成災五七分村莊奉

旨蠲免十分之一二銀南七工漫口被水成災冰窖等三十三村莊賑米四千石發給經費銀六百兩

撫卹銀四百兩

同治七年秋禾被水成災五七分村莊奉

旨蠲免十分之一二銀一百二十一兩九錢九分三釐三毫緩徵銀四百二十二兩三錢五分二釐八毫南四工漫口被淹南戈奕等一百十二村莊知縣李秉鈞倡捐穀一千二百一十一石二斗七升同治八年秋禾被水歉收奉

上諭緩徵銀北四工漫水邱家務共四十二村莊被水歉收

同治九年秋禾被水成災奉

上諭蠲免南五工漫口被水成災郭家務等共七十五村莊撥撫卹銀三千兩

同治十年秋禾被水成災奉

旨蠲免南七工漫口被水成災冰窖等共一百十二村莊賑米三千石賑銀六千兩又六百兩

同治十一年秋禾被水成災五六七八分奉

旨蠲免十分之一二四銀六百十二兩六錢六分九釐緩徵銀二千九百二十八兩四錢七分六釐八月十九日奉

上諭大婚禮成蠲免各直省錢糧永清縣復奉

續永清縣志

恩澤紀續編第一

九

恩詔豁免咸豐九年起至同治六年止共民欠未完各項旗租並補徵共銀一萬八千四百八十五兩

八錢五分零一毫耗銀一百七十六兩二錢五分二釐五毫北五等工漫口被水成災泥安等共

九十二村莊賑米四千五百石銀二千一百兩

同治十二年秋禾被水成災五七分村莊

上諭蠲免十分之一二銀一百二十七兩七錢七分六釐二毫緩徵銀二百七十五兩五錢七分五釐八毫南四工漫口被水成災大焦堡等九十一村莊賑米三千石銀一千二百零三兩一錢六分五釐柴薪銀一百九十八兩九錢九分四釐五毫

今上御極光緒元年正月奉

上諭紀元普免天下節年錢糧

臣欽讀史至發賑復租未嘗不額首稱幸也然一代之書不數觀焉我

朝

列聖相承景慶則有蠲災歉則有賑厚澤深仁曷勝恭紀生斯世者何其幸歟首紀

皇帝欽書

恩澤固春秋尊王之義亦以志民勿能忘云爾